

Ilisarnaatit katussat pillugit inatsit

§ 1. Ilisarnaat katussaq tassaavoq ilisarnaat arlaliussaq imaluunniit qularnaveerutitut ilisarnaat.

Imm. 2. Ilisarnaat arlaliussatut katussaq immikkut ittumik ilisarnaasiaavoq inuutissarsiutitut ingerlassisut peqatigiiffiannit pigineqartoq, aammalu peqatigiiffiup ilaasortaanit nioqqutissanut imaluunniit sullissinernut atorneqartoq imaluunniit atorniarneqalersaartoq.

Imm. 3. Qularnaveerutitut ilisarnaat immikkut ilisarnaasiaavoq inummit inatsisinik immikkut paasisimasalimmit, nioqqutissanut imaluunniit sullissinernut, nakkutilliinermi tunngaviusunut, imaluunniit malittarisassiuussanut tunngatillugu nakkutiginnittuusumit imaluunniit malittarisassanik aalajangersaasartumit pigineqartoq.

§ 2. Nioqqutit ilisarnaataat pillugit inatsimmi maleruagassiat ilisarnaatinut

katussanut atortuutinneqassapput qanoq-ittuussusii malillugit atorneqarsinnaassusiat naapertorlugu, kinguliini aalajangersakkani allatut allassimasoqanngippat.

§ 3. Ilisarnaatit imaluunniit taaguutit, tuniniaanermi nioqqutissat imaluunniit sullissinerit nunap ilaani sumi pinngorfeqarnerannik ersersitsisutut atorneqartut nioqqutit ilisarnaataat pillugit inatsimmi § 13-imi, imm. 2, nr. 1, allassimasut apeqqutaatinnagit katussatut ilisarnaataapput. Ilisarnaammik piginnittuusooq inuup pingajuusup tuniniaanermi ilisarnaatinik taaguutinilluunniit taamaattunik atuinissanut inerteqquteqartussaataitaanngilaq, taamaattut niuernermi pissusissamisoortumik ileqquusut naapertorlugit atorneqassappata. Ilisarnaat pingaartumik inummut pingajuusumut nunap ilaani aalajangersimasumi taaguutissaataitaasumik atuisinnaatitaasumut inerteqqutiginiarneqarsinnaanngilaq.

§ 4. Ilisarnaatit katussat ilisarnaatinut katussanut nalunaarsuisarfimmi nalunaarsorneqassapput.

Imm. 2. Ilisarnaammik katussamik nalunaarsuisitsinissamik qinnuteqaat imaqassaaq paasisutissanik nioqqutit ilisarnaataat pillugit inatsimmi § 12-imi allassimasunik, aammalu aalajangersakkat ilisarnaammik atuinissaq pillugu aalajangersarneqartut tassani taaneqassapput.

Imm. 3. Industriministeri qinnuteqartarnek, salliutitaanissamut piginnaatitaanissat, tak. nioqqutit ilisarnaataat pillugit inatsimmi §§ 18 aamma 19 ilisarnaatit katussat nalunaarsorneqartarnerat piiarneqartarnerallu, nalunaarsuisarnerup aqqissuunneqarnera allattmsarnerlu nalunaarsuinernik il.il. tamanut saqqummiussineq aammalu qinnuteqaatinik tunniussinissaq aalajangiiffiginniniartarnerlu, sullissinerit, nuutiterinerit il. il. pillugit erseqqinnerusunik maleruagassiussaaq.

§ 5. Piginnittuusup ilisarnaammik atuneq pillugu aalajangersakkani kingusinnerusukkut allannguutit Patentdirektoratimut nalunaarutlissavai allannguutit pineqartut akuersissutigineqareerneranniit kingusinnerpaamik qaammatit pingasut qaangiuppata.

§ 6. Ilisarnaammik katussamik nalunaarsukkamik allanut tunniussineq nalunaarsuiffimmi eqqaamasassiatut allanneqarsinnaavoq ilisarnaat allanut tunniunneqareernermigut putusaarutaassangatinneqanngippat.

§ 7. Nioqqutit ilisarnaataat pillugit inatsimmi § 25 ilisarnaatinut katussanut atortuutinneqassaaq imm. 2 naapertorlugu ilassutitalerlug

Imm. 2. Makku aamma nioqqutit ilisarnaataat pillugit § 25-mi, imm. 1, naapertorlugu atuinertulli naatsorsuunneqassapput:

- 1) Ilisarnaatip arlalinnit katussap inuutissarsiummik ingerlatsisumit minnerpaamik ataatsimit, ilisarnaammik atuinissamut piginnaatitaasumit, atorineqarnera.
- 2) Qularnaveerutit ilisarnaatip inuutissarsiummik ingerlatsisumit minnerpaamik ataatsimit piginnittuusumiit akuerineqarnikkut atorineqarnera.

§ 8. Ilisarnaammik katussamik nalunaarsuineq atorunnaarsinneqarsinnaavoq

- 1) pissutsit nioqqutit ilisarnaataat pillugit inatsimmi § 28-mi taaneqai; tunut naapertuuttut pissutissaappata,
- 2) ilisarnaat inuiaqatigiit soqutigisaannut nalinginnaasunut akerliuppat imaluunniit
- 3) piginnittuusooq aalajangersakkani ilisarnaammik atuneq pillugu aalajangersarneqartuni allannguutininik nalunaaruteqarsimanngippat.

§ 9. Ilisarnaammik katussamik nikanarsaaneq pillugu suliassaq ilisarnaammik atuisinnaatitaasumit taamaallaat eqqartuussisulersuussassanngortinneqarsinnaavoq. Kinaluunniit ilisarnaammik katussamik nikanarsaasoq, aammalu nioqqutit ilisarnaataat pillugit inatsit malillugu taarsiissuteqartussaasoq, ajoqusikkamut ilisarnaammik piginnittuusumut imaluunniit ilisarnaammik atuisinnaatitaasunut sunniuteqarsimasussamut taarsiissuteqartussaavoq.

§ 10. Industriministerip inatsit malillugu pisussaaffini Patentdirektoratimut nuussimappagit, ministeri naammagittaalliorsinnaaneq, ilanngullugu naammagittaalliuutit pisortanut oqartussaasunut qulliunerusunut ingerlateqqinneqarsinnaannginnerat, pillugu maleruagassanik aalajangersaasinnaavoq.

§ 11. Inatsit atortuulissaaq 1. januar 1992-imiit, tamatumalu peqatigisaanik atorunnaassaaq ilisarnaatit katussat pillugit inatsit, tak. inatsimmik nalunaarut nr. 250 17. april 1989-imeersoq.

Imm. 2. Pisortaaffiginninnermut tunngasutigut maleruagassiat, ilisarnaatit katussat pillugit inatsit naapertorlugu aalajangersarneqartut, tak. imm. 1, atortuutiinnarneqarsapput inatsit manna malillugu peqqussusianik taarserneqarnissamik tungaanut.

Imm. 3. Ilisarnaatit katussat, 31. december 1991 sioqqullugu nalunaarsukkat, pillugit § 7 malillugu ukiunik 5-inik piffissarititaasoq, tak. nioqqutit ilisarnaataat pillugit inatsimmi § 25, aatsaat aallarnerneqassaaq 1. januar 1992-imiit.

§ 12. Qinnuteqaatit, inatsisip atortuulersinneqarneratigut aalajangersakkat maannamut atuuttut naapertorlugit nalunaarutigineqanngitsut, inatsimmi matumani aalajangersakkat malillugit

aalajangiiffiginiarneqassapput.

§ 13. Inatsit atuutinngilaq Savalimmiunut aammalu Kalaallit Nunaannut, kisiannili kunngip peqqussutaatigut Savalimmiunut Kalaallit Nunaannullu atortuulersinneqarsinnaavoq Savalimmiuni Kalaallit Nunaannilu pissutsit immikkut ittut tunngavigalugit allannguutitalerlugu.

Tunniunneqarput Christiansborg Slot-imi, ulloq 6. juni 1991

Kunngiussutitsinnik Atsiorpugut Naqissusiillutalu

MARGRETHE R.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut